



## MEMORANDUM O RAZUMIJEVANJU I SARADNJI

Između:

- **Memorijalnog centra Srebrenica-Potočari Spomen obilježje i mezarje za žrtve genocida iz 1995. godine,**  
sa sjedištem u ulici Potočari bb, 75430 Srebrenica, Bosna i Hercegovina,  
kojeg zastupa predsjedavajući Upravnog odbora, Ševket Hafizović

i

- **Inicijative mladih za ljudska prava u Crnoj Gori,**  
sa sjedištem u ulici Studentska 21/a, L9, br. 5, kojeg zastupa izvršna direktorica, Edina Hasanaga Čobaj

(U daljem tekstu: Strane potpisnice)

### Član 1.

Memorandum predstavlja polaznu osnovu za razvoj saradnje zasnovane na ravnopravnosti i uzajamnom poštovanju, nastao kao izraz potrebe da se utvrde okviri i vidovi buduće saradnje u oblasti naučno-istraživačkog rada radi prikupljanja podataka o događajima koji su se desili u i oko Srebrenice, s namjerom da se ti događaji istraže i učine dostupnim javnosti, putem publikacija, knjiga, dokumentarnih filmova i drugih medija, te zajedničkog rada u oblasti prava žrtava ratnih zločina u Bosni i Hercegovini i regionu, borbe protiv negiranja genocida i ratnih zločina, izgradnje mira i suočavanja s prošlošću.

Na osnovu zajedničkog interesa, a sa ciljem uspostavljanja zajedničke saradnje, Strane potpisnice izražavaju svoju saglasnost za organizovanje i razvoj oblika zajedničke saradnje, unutar dostupnih pravnih okvira, mogućnosti i interesovanja u sljedećim oblastima:

- Zajednička saradnja u istraživanju i dokumentovanju materijala koji svjedoče o svim važnim događajima za vrijeme genocida i rata u BiH;
- Razmjena informacija i literature na temu žrtava rata u BiH i regiona i suočavanja s prošlošću
- Obostrana saradnja na unapređenju naučno-istraživačkog rada u oblasti podizanja svijesti o genocidu u Srebrenici, međunarodnm i domaćim presudama i negiranju genocida;
- Uzajamna saradnja kroz organizaciju i učešće na seminarima, radionicama i konferencijama;
- Organizacija i učestvovanje na istraživačkim konferencijama, simpozijumima i seminarima, po pozivu uključenih strana;
- Istraživanje i stručni rad unutar postojećih institucija i organizacija;



- Razmjena stečenih iskustava između Strana potpisnica;
- Razmjena stručne i naučne literature;
- Saradnja stručnih službi Strana potpisnica;
- Realizaciju drugih ciljeva i zadataka koji proizilaze iz samog karaktera Strana potpisnica.

## Član 2.

Strane potpisnice su usaglasile neophodnost zajedničkog djelovanja i upravljanja naučno-istraživačkim projektima i aktivnostima u oblasti istraživanja genocida, ratnih zločina, negiranja genocida, izgradnje mira i suočavanja s prošlošću.

## Član 3.

Strane potpisnice će, u cilju realizacije modaliteta saradnje, formirati zajednički tim koji će vršiti redovnu evaluaciju rezultata saradnje i davati prijedloge za njezino unapređenje, u skladu sa ciljevima i zajedničkim projektima.

## Član 4.

Finansiranje dogovorenih programskih aktivnosti i drugih oblika saradnje Strana potpisnica definišaće se posebnim ugovorom ili drugim aktom.

## Član 5.

Strane potpisnice se obavezuju da sve povjerljive podatke i dokumente koje međusobno razmjene, a koji se odnose na ovaj Memorandum ili su u vezi sa ovim Memorandumom (osim opće poznatih podataka koji su dostupni javnosti), bez prethodne pisane saglasnosti druge strane, neće otkriti trećim osobama.

## Član 6.

Sve nesuglasice u tumačenju i primjeni odredbi ovog Memoranduma, Strane potpisnice će rješavati pregovaranjem i savjetovanjem.



### Član 7.

Memorandum stupa na snagu danom obostranog potpisivanja Strana potpisnica i neograničenog je trajanja.


Prijedlog izmjene teksta i sadržaja ovog Memoranduma podnosi, u pisanoj formi, jedna ili obje Strane potpisnice, drugoj Strani potpisnici najmanje 30 dana prije plana njegove izmjene, nakon čega će Strane potpisnice zajednički razmotriti prijedlog i o njemu odlučiti.

Memorandum prestaje važiti na zahtjev jedne od Strana potpisnica, uz obrazloženje razloga takve odluke.

### Član 8.


Ovaj Memorandum sačinjen je u 2 (dva) istovjetna primjerka, na službenim jezicima u Bosni i Hercegovini, a svaka ugovorna strana zadržava po jedan primjerak.

Memorijalni centar Srebrenica-  
Potočari Spomen obilježje i mezarje  
za žrtve genocida iz 1995. godine

  
Ševket Hafizović,  
Predsjedavajući Upravnog odbora

Broj: 01-02-3-180/21  
Srebrenica, 12.02.2021. godine

Inicijativa mladih za ljudska prava  
u Crnoj Gori

  
Edina Hasanaga Čobaj,  
Direktor/ica

Broj:  
Srebrenica, 01.03.2021. godine